

太史公读列封至便侯，①曰：有以也夫！长沙王者，着令甲，称其忠焉。②昔高祖定天下，功臣非同姓疆土而王者八国。③至孝惠时，唯独长江全，禅五世，禅五世，④以无嗣绝，⑤意无过，为藩守职，信矣。故其泽流枝庶，毋功而侯者数人。⑥及孝惠讫孝景闲五十载，追修高祖时遣功臣，及从代来，吴楚之劳，诸侯子弟若肺腑，⑦外国归义，封者九十有余。咸表始终，当世仁义成功之著者也。

注①索隐便音鞭，县名也。吴浅所封。

注②集解邓展曰：“汉约，非刘氏不王。如芮王，故着令便特王。或曰以芮至忠，故着令也。”瓚曰：“汉以芮忠，故特王之；以非制，故特着令。”

注③集解异姓国八王者，吴芮、英布、张耳、臧荼、韩王信、彭越、卢绾、韩信也。索隐非同姓而王者八国，齐王韩信、韩王韩信、燕王卢绾、梁王彭越、赵王张耳、淮南王英布、临江王共敖、长沙王吴芮，凡八也。

注④索隐禅者，传也。案：诸侯王表，芮国至五世而绝。

注⑤集解徐广曰：“孝文后七年，靖王薨，无嗣。”

注⑥索隐案：此表芮子浅封便侯，传至玄孙；又封成王臣之子为沅陵侯，亦至曾孙。

注⑦索隐沛府二音。柿，木札也；附，木皮也。以喻人主疏末之亲，如木札出于木，树皮附于树也。诗云“如涂涂附”，注云“附，木皮”也。

【索隐述赞】惠景之际，天下已平。诸吕构祸，吴楚连兵。条侯出讨，壮武奉迎。薄窳恩泽，张赵忠贞。本枝分荫，肺腑归诚。新市死事，建陵勋荣。咸开青社，俱受丹旌。旋窥甲令，吴便有声。

-----  
YOUTH 整理